

張 鴻 南 小 傳

蘭歷甲必丹而擢瑪腰。且聘爲客卿。英政府則贈以政治博士銜。前清亦榮封三品京堂。張君既得位。乘時復以德愛人保護華僑。力除苛政。以故華僑之旅於荷屬者。額頌盈途。口碑載道。予閱竟不覺拍案叫絕。曰是誠華僑中之英雄豪傑也。因是忘其譎陋。爰弁數言。豈徒以頌揚張君之才德。抑欲以勸勵華僑云爾。

中華民國六年孟秋

敦煌五郎識於香江之隱廬

前廣東教育司長序七

香山鍾榮光

西人之久居我國。當要職。受榮銜。擁資巨萬。通華文華語者。不少其人。以疇昔總稅務司赫德。號鷺賓者。爲首屈一指。若此輩者。應稍變其本國之觀念矣。乃其愛護本國之誠。或反比其國人更切。此何故耶。

我國人僑居海外。苟受人苛待。不如是之甚。已歌頌所住國政府之寬大。及受其一官半職。則欣幸非常。再不願作中國人矣。此由於我國政府向來愚而且弱。對於殖民事業。又全無保護。走遍全世界。凡流寓華人。對於本國感情。大率如此。此

可長太息者也。

梅縣張鴻南君。則大不然。君與其兄煜南君。少赴南洋。起家商業。日里一埠。乃其手闢。始爲雷珍蘭。繼升甲必丹。又升瑪腰。爲荷政府客卿。安富尊榮。苟非富於愛國之熱誠。張君久已爲荷蘭人不復知有本國矣。乃張君在所僑居之地。效忠政。府造福地方。旣爲華僑增榮益譽。其對於祖國。則建築鐵路。倡開商埠。資助學務。轟轟大業。有開必先。其他義舉。皆詳於本冊所著張君小史。比之西人之在我國。受其本國政府之提挈保護。得志乃不忘本國者。不及張君遠矣。

中國大富豪張鴻南傳序八

朱稼甫

吾國之貧弱。至今日而極矣。雖其原因甚多。而實業之不振興。其一大端也。故論者莫不以振興實業爲今日之急務。然論者紛紛而實行有效者寥寥。有始勤而終怠。也有畏難而中輟也。夫吾國地大物博。礦產滿佈。全國利源。甲於天下。今日貧弱。乃爾何也。蓋國民乏堅忍之心。自強之力耳。可惜孰甚。丁巳秋。瞿子愛棠來